



Sedulus apud Sueuos natus & educatus erat. Serat is insigni corporis et animi fortitudine præditus. Itaque animum ad militiam adiecit, & rebus præclare gestis magnam auctoritatem sibi passim comparauit. Postea inter baronis Heuensis equites receptus fuit. Contigit autem ut Sedulus ille cū urbe Rotuulense Sueuiæ contentionem haberet. Eam cum iure obtinere non posset, armis ius suum exequi conatus est. Itaque uenia discedendi à domino suo impetrata, ne is quoque bello implicaretur, anno post natiuitatem Domini millesimo trecentesimo tricesimo quinto, ipse solus huic ciuitati, armis & opibus instructissimæ, more solito pacē resignauit, atque aliquoties eorū ciues, occasiōe oblata, bonis & uita priuauit. Ut autem eis etiam illuderet, aliquando nobili quodam fideli amico secum sumpto, in habitu monachali Rotuuilam peruenit, atque sese abbatem uendit auit. Itaque ab eius loci magistratu honorificè exceptus, atque honorario uino donatus fuit. Postea discedens extra portam sese manifestauit, atque magistratui de uino oblato gratias egit.